

增訂徐文定公集

同邑私淑弟子陸徵祥敬題



增訂徐文定公集

同邑私淑弟子陸徵祥敬題



中華民國二十二年九月

所有版權

堂主天滙家徐
樓書藏



徐定公像

徐文定公集原序

徐文定公集序

聖教昉行一國・率有聖哲挺生・以非常之才・立德立言・彪炳一世・或又起死肉骨・不藥療病・以耀人目・以警人心・於是所言必信・有感斯孚・過化存神・教澤深遠・父傳之子・子傳之孫・雖遇艱難困厄・而信志堅貞・歷千百年不變・如班有聖雅各而俗美・法有聖勒米而化行・印度有聖方濟而崇正・皆明證也・我中國聖教始行・猶在元代・時有和德理者・亦聖賢中一人・宣訓燕京・都士向化・後以遄返西邦・教未垂久・論者惜之・明季利子瑪竇・航海來華・上海徐文定公與之友善・聞其教・首先崇奉・用其不世之才・力爲推廣・撰論說・譯經書・陳奏朝廷・闡揚大義・教之所以行・公之力居多・迄今三百載・傳二十餘省・溯厥由來・詎容忘本・然延至今日・知公者其誰・丙申春・高司鐸鎬鼎・以法文著傳教誌・載公事頗詳・皆宗古西人函牘・蒙讀而悅之・譯以華語・又錄徐氏家

乘・暨明史・疇人傳等・都爲一卷・以公之文・得像贊三・原道一・行述四・序
與書各二・又奏稿如干・皆論火器曆法・可見西學東來・教士爲先導・而公實爲
譯祖・噫・公誠偉人哉・文名蓋當世・功業留簡編・尤能信奉真教・簪笏立朝・
絕不隱諱・若今之稍識之無・輒毀我聖教・刺刺不休者・何其不自量歟・

光緒丙申秋南沙問漁李叔識

增訂徐文定公集序

序集公定文徐

徐文定公明季名臣也。秉浩蕩剛大之氣。抱凝粹雄傑之資。其爲文闊博奇瑋。崢嶸磅礴。其爲學。網羅中外。闡究天人。其立身處世。沉淩乎道德之府。痛絕乎門戶之心。稽其生平著作。有奏草。有經義。有詩藝。有徐氏庖言。有四書參同。有通憲圖說。有兵事或問。有西法曆書。有農政全書。屈指二百餘部。亦云富矣。惜哉兵燹頻仍。輾轉散佚。迄今所存十不一二。光緒丙申。余輯文定公集。惟得像贊原道書序奏稿各如干。讀者興歎闕如。不見全豹。戊申春公十一世孫。允希司鐸。搜其家藏抄本。又得屯鹽練兵等疏。各數萬言。忠義之忱。躍躍於言表。公之時有李太常之藻。亦我教中名人。其文雄勁。大抵遺亡。允希君搜得十餘篇。以附於公集。所以遂其追慕之意。亦以饗同人快覩之心也。

光緒戊申十二月李秋又識

增訂

先文定公集叙略

我

先祖文定公・事功炳一世・才略聞八埏・歿後疊遭兵燹・其文散失過半・卽刊而亡者・亦十八九・光緒丙申・李問漁司鐸始編公行實・訂文集以行世時・允希旅客金陵・讀之・喟然曰・我

先祖遺澤入人深矣・然其文閱三百年而始出・豈有待耶・是年復得

公墨蹟・識者珍之・癸卯付石・以公同好・旣而披家乘・又得章奏・及屯鹽疏數萬言・無何・有友自泰西來・言奧國額克薩頓藏華籍甚富・或有

文定公遺書存焉・尤希聞之・喜甚・致書西友・果得舊刻聖教規箴一卷・治曆疏

稿數十篇・噫・我

祖遺編・流海外以免浩劫・豈偶然哉・去年秋・原集告罄・重爲編訂・分五卷・
曰文稿・曰屯鹽疏稿・曰練兵疏稿・曰治曆疏稿・曰章疏雜稿・末附李太常之

藻文數篇・夫

公之傳於不朽・固不賴斯編・然其信道之篤・經濟之洪・愛國憂民之切・學問藝術之精・亦於斯可見一斑・則此編之傳・爲不可少也已・

宣統元年歲次己酉仲夏中旬第十一世孫允希敬叙

增訂凡例

徐文定公集凡例

- 一、是書從明史·疇人傳·上海縣志·徐氏宗譜·明末教士函牘·編次輯譯而成
·事事率真·無稍穿鑿·閱者可據爲信史焉·
- 一、原集不分部類·茲編篇目倍增·以類分訂五卷·各卷篇次·俱按年月·以便
稽核·
- 一、屯鹽疏稿·出諸家藏舊抄本·蛀蠹過半·治曆疏稿·得諸泰西·殘缺字頁·
無從考補·茲編悉仍其舊·以昭信實·
- 一、文定公練兵治曆·俱以各部推薦奉勅而行·故以勅諭部奏·冠於本卷首·李
天經繼公治曆·完公之業·因附刊其疏稿數篇·以資考鏡·
- 一、李太常之藻·與公交最善·譯有名理探·圓容較義·渾蓋通憲圖說·同文算
指等書·其文雄勁·明世罕覩·茲集附錄其文十篇·用明追慕先執至意·

一・明季海禁未弛・西商不得入内地・邦交約款・悉未舉行・其時稱西人多用夷
字・文定因之・幸勿誤會・

增訂徐文定公集陸序

徐文定公集序

竊聖教流傳我國以迄於今·中間雖歷經種種困難·或受政府禁止壓迫·或爲社會惡棄詬罵·或被愚民殘害慘殺·而尙日見進步者·此固爲天主所安排·然必有非常之人·膺主特寵·挺身而出·在中華豎立此法棟於磐石之上·如上海徐文定公者·方克臻此·蓋文定公在官時·適逢西士利子瑪竇·航海來華傳道·公與之親炙·深諳斯旨·不避身居朝貴·公然信崇奉行之·乃撰論說·譯經書·奏陳以闡揚之·贊美之·從此隨公之後·而信奉之者到處皆是·是以今日我國信友·增至二百五十萬餘·教區已有百十餘處之多·良有以也·祥遵先師許文肅公之指導·入院苦修·忝列後進·偶得拜讀公之文集·藉知公不獨能爲西學東漸之譯祖·且爲公教傳佈之中堅·且其立德立言·尤足以移頹風·易敗俗·況際我內國紀綱廢弛·匪共瀰漫·人心浮動·民不聊生·是集或可作良藥之一劑·因念及今歲

仲秋・爲文定公逝世三百年之週紀・乃商得公之第十二世孫潤農司鐸之同意・重行增訂之・以廣流傳・凡我四萬萬同胞父老兄弟姊妹得此寶符・穩度此險惡潮流・國利民福・庶有賴焉・祥再爲全國同胞告者・羅瑪公教爲耶穌基利斯督創立・迄今千九百餘年・歷經君王政府人民殘害・壓迫而舍生致命者・不可勝數・始而下掘地窖以獻祭・繼而高建聖堂而講道・又復傳佈各國而宣揚・則終普世崇拜而景仰・此自然之趨勢・亦必至之終果・謂不我信・請俟之異日・同胞・同胞・盍早日其歸來乎・

民國二十有二年春

後學上海陸徵祥識之於比國聖安德肋修院之慎獨齋

增訂徐文定公文集緣起

本集爲南沙李問漁司鐸所編輯・流傳至今已卅載・會今秋爲文定公逝世第三百週■紀・正思有以紀念之・忽得陸公徵祥來書・建議將此集印巾箱本・澤重以文中富有民族思想・頗足爲現代借鑑・甚贊其言・遂將屯田疏稿・治曆疏稿・並依據皇明經世文編文定公集・崇禎新法曆書曆法緣起・萃而增補之・又第一卷中•焦氏澹園續集序諸篇・第二卷中・處置宗祿查核邊餉議諸篇・第三卷中・復某中丞諸篇・第四卷中・修改曆法請訪用湯若望疏諸篇・第六卷中・李之藻請譯西洋曆法等書疏諸篇・均爲此次增入者・而其工作・多獲陳援庵先生之助・存歿均感焉・然仍嫌搜羅未盡・尙望同道表同情者・惠教之爲幸・

民國二十有二年歲在昭陽作噩仲秋之月 第十二世孫宗澤謹識

增訂徐文定公集目錄

卷首上

本傳

年譜

誥命一

誥命二

誥命三

誥命四

九

十

十二

十三

三

一

卷首下

文定公行實

附壽文二

四

一

附利子奏疏.....九

附利子碑記.....十三

附墓誌銘.....四十五

卷一

耶穌像贊.....一

聖母像贊.....一

正道題綱.....一

規誠箴贊.....三

十誡箴贊.....三

克罪七德箴贊.....四

真福八端箴贊.....四

哀矜十四端箴贊………	五
俞子如先生像贊………	五
先祖事畧………	六
先祖妣事畧………	七
先考事畧………	八
先妣事畧………	九
與焦老師書………	十
與海翁夫子書………	十二
答鄉人書………	十三
跋二十五言………	十四
幾何原本序………	十六
簡平儀說序………	十八